



Uimhir 32 de 2000

An tAcht um Banc ICC, 2000
[An tiontú oifigiúil]



Uimhir 32 de 2000

AN tACHT UM BANC ICC, 2000

[An tiontú oifigiúil]

RIAR NA nALT

Alt

1. Léiriú.
2. Caiteachais an Aire.
3. Leasú ar alt 3 den Acht um Banc ICC (Leasú), 1997.
4. Scaireanna i mBanc ICC a dhiúscairt.
5. Forálacha i ndáil le ráthaíochtaí ón Aire faoi alt 3 den Acht Cairde Tionscail (Leasú), 1958.
6. Meabhrán comhlachais agus airteagail chomhlachais Bhanc ICC a athrú.
7. Aisghairm agus cúlghairm.
8. Gearrtheideal agus tosach feidhme.

AN SCEIDEAL

AISGHAIRM AGUS CÚLGHAIRM

CUID 1

ACHTACHÁIN A AISGHAIRTEAR

CUID 2

IONSTRAIMÍ REACHTÚLA A CHÚLGHAIRTEAR

[Uimh. 32.] *An tAcht um Banc ICC, 2000.* [2000.]

NA hAchtanna dá dTagraítear

Achtanna na gCuideachtaí, 1963 go 1990	
An tAcht um Banc ICC, 1999	1999, Uimh. 29
Na hAchtanna um Banc ICC, 1933 go 1997	
An tAcht um Banc ICC (Leasú), 1997	1997, Uimh. 32
An tAcht Cairde Tionscail (Leasú), 1958	1958, Uimh. 10



Uimhir 32 de 2000

AN tACHT UM BANC ICC, 2000

[An tiontú oifigiúil]

ACHT DO DHÉANAMH SOCRÚ MAIDIR LE BANC ICC CUIDEACHTA PHOIBLÍ THEORANTA LENA nÁIRÍTEAR SCAIRCHAIPITEAL ÚDARAITHE AN BHAINC A MHÉADÚ, AN tAIRE AIRGEADAIS DO DHIÚSCAIRT SCAIREANNA SA BHANC AGUS SOCRÚ MAIDIR LE RÁTHAÍOCHTAÍ ÁIRITHE I LEITH IASACHTAÍ A FHAIGHEANN AN BANC, DO DHÉANAMH SOCRÚ CHUN NA hACHTANNA UM BANC ICC, 1933 GO 1997, AGUS NA FORÁLACHA D'ACHTACHÁIN ÁIRITHE EILE A AISGHAIRM AGUS CHUN IONSTRAIMÍ REACHTÚLA ÁIRITHE A CHÚLGHAIRM AGUS DO DHÉANAMH SOCRÚ I dTAOBH NITHE GAOLMHARA.

[6 Nollaig 2000]

ACHTAÍTEAR AG AN OIREACHTAS MAR A LEANAS:

1.—(1) San Acht seo—

Léiríú.

ciallaíonn “ICC” Banc ICC cuideachta phoiblí theoranta;

ciallaíonn “Aire” an tAire Airgeadais.

(2) San Acht seo—

- (a)* aon tagairt d’alt nó don Sceideal is tagairt í d’alt den Acht seo nó do Sceideal a ghabhann leis an Acht seo, mura gcuirtear in iúl gur tagairt d’achtachán éigin eile atá beartaithe,
- (b)* aon tagairt d’fho-alt nó do mhír is tagairt í d’fho-alt nó do mhír den fhoráil ina bhfuil an tagairt, mura gcuirtear in iúl gur tagairt d’fhoráil éigin eile atá beartaithe, agus
- (c)* aon tagairt d’aon achtachán is tagairt í don achtachán sin arna leasú, arna oiriúnú nó arna leathnú le haon achtachán dá éis nó faoi aon achtachán dá éis.

2.—Déanfar na caiteachais a thabhóidh an tAire ag riaradh an Achta Cainteachais an Aire. seo a íoc as airgead a sholáthróidh an tOireachtas.

3.—Leasaítear alt 3 den Acht um Banc ICC (Leasú), 1997 trí Leasú ar alt 3 den “£80,000,000” a chur in ionad “£40,000,000”. Acht um Banc ICC (Leasú), 1997.

Scaireanna i mBanc
ICC a dhiúscairt.

4.—(1) Faoi réir an ailt seo, féadfaidh an tAire, faoi réir *fho-alt (2)*, aon scair nó na scaireanna go léir atá á sealbhú ag an Aire a dhíol, a mhalartú, a aistriú nó a dhiúscairt thairis sin ar cibé modh agus faoi réim agus faoi réir cibé téarmaí agus coinníollacha a chinnfidh sé nó sí agus féadfaidh sé nó sí, chun na gcricoch réamhráite, comhaontuithe agus comhshocraíochtaí a dhéanamh.

(2) Gheobhaidh an tAire tairiscint ceadaithe ó Dháil Éireann sula ndéanfaidh sé nó sí diúscairt faoi *fho-alt (1)*.

(3) Níl feidhm ag an alt seo maidir le scaireanna atá á sealbhú ag an Aire a dhíol nó a aistriú faoi alt 2(2) den Acht um Banc ICC, 1999.

Forálacha i ndáil le
ráthaíochtaí ón Aire
faoi alt 3 den Acht
Cairde Tionscail
(Leasú), 1958.

5.—(1) D’ainneoin aisghairm na nAchtanna um Banc ICC, 1933 go 1997, ach faoi réir *fho-alt (2)*, aon ráthaíocht a thug an tAire faoi alt 3 den Acht Cairde Tionscail (Leasú), 1958 agus a bheidh i bhfeidhm ar thosach feidhme an fho-ailt seo leanfaidh sí i bhfeidhm faoi réim agus faoi réir na dtéarmaí agus na gcoinníollacha ar faoina réim agus faoina réir a tugadh í go dtí—

(a) go n-aisíocfaidh ICC príomh-mhéid an airgid a bhí, ar an tosach feidhme sin, faighte ar iasacht aige nó taiscthe leis agus a mbaineann an ráthaíocht leis, go n-íocfaidh ICC an t-ús ar an airgead sin agus go n-íocfaidh ICC aon mhéideanna eile lena mbaineann an ráthaíocht,

(b) go n-íocfaidh an tAire an méid lena mbaineann an ráthaíocht nó an méid atá gan íoc agus lena mbaineann an ráthaíocht,

(c) go scoirfidh an tAire ar shlí eile de bheith faoi aon dliteanas iarbhir nó teagmhasach faoin ráthaíocht, nó

(d) go dtabharfaidh duine eile ráthaíocht, a bheidh inghlactha ag an iasachtóir nó ag an taisceoir lena mbaineann, go ndéanfaidh ICC an t-airgead réamhráite a aisíoc go cúí agus an t-ús réamhráite agus na méideanna eile réamhráite (más ann) a íoc.

(2) Ní dhéanfaidh ICC, agus cinnteoidh sé nach ndéanfaidh aon duine a bheidh ag gníomhú thar a cheann, tar éis thosach feidhme *fho-alt (1)*, aon airgead a fháil ar iasacht nó a chruinniú, ná taisceadh airgid a shireadh nó a ghlacadh (lena n-áirítear athnuachan ar thaisceadh den sórt sin), ar théarmaí go bhfuil nó go mbeidh an t-airgead go léir, nó cuid den airgead, a fuarthas ar iasacht, a cruinníodh nó a taisceadh nó airgead is ionann agus an t-ús ar an gcéanna nó aon airgead a bhaineann leis sin ina ábhar nó ina hábhar do ráthaíocht faoi alt 3 den Acht Cairde Tionscail (Leasú), 1958, agus tabharfaidh sé, má cheanglaíonn agus aon uair a cheanglaíonn an tAire amhlaidh air, i cibé foirm agus ar cibé modh a chinnfidh an tAire, fógra á rá sin agus fógra i dtaobh aon fhoirceannadh (a bheidh faoi réir *fho-alt (1)*) ag an Aire ar ráthaíochtaí faoin alt sin 3.

(3) Déanfaidh an tAire, a luaithe is féidir tar éis dheireadh gach bliana airgeadais, ráiteas a leagan faoi bhráid gach Tí den Oireachtas ina leagfar amach, maidir le gach ráthaíocht dá dtagraítear i *bhfo-alt (1)* agus a bheidh i bhfeidhm ar dheireadh teacht leis an mbliain airgeadais sin—

(a) sonraí na ráthaíochta,

(b) i gcás aon íocaíocht a bheith déanta ag an Aire faoin ráthaíocht i rith na bliana sin, méid na híocaíochta agus an méid (más ann) a aisíocadh leis an Aire i leith na híocaíochta,

(c) an méid den phríomhshuim lena mbaineann an ráthaíocht agus a bhí gan íoc i ndeireadh na bliana sin.

(4) Déanfaidh ICC méid atá comhionann le méid aon airgid a d'íoc an tAire faoi ráthaíocht dá dtagraítear i *bhfo-alt (1)* a aisíoc leis an Aire (mar aon le ICC d'íoc ús ar an méid sin leis nó léi, má cheanglaíonn an tAire amhlaidh, de réir cibé ráta a cheapfaidh an tAire) laistigh de cibé tréimhse agus ar cibé téarmaí agus coinníollacha a chinnfidh an tAire.

(5) I gcás iomlán an airgid a cheanglaítear le *fo-alt (4)* a aisíoc leis an Aire nó aon chuid de a bheith gan aisíoc de réir an fho-ailt sin, déanfar an méid a bheidh gan aisíoc a aisíoc leis an bPríomh-Chiste as airgead a sholáthróidh an tOireachtas.

(6) D'ainneoin airgead a sholáthar faoi *fho-alt (5)* chun méid a aisíoc leis an bPríomh-Chiste, leanfaidh ICC de bheith faoi dhliteanas don Aire i leith an mhéid sin agus déanfaidh ICC an méid sin (mar aon le hús air, má cheanglaíonn an tAire amhlaidh, de réir cibé rátaí a cheapfaidh an tAire) a aisíoc leis an Aire cibé tráthanna agus i cibé tráthchodanna a cheapfaidh an tAire agus, mura n-aisíocfar an méid sin mar a dúradh agus gan dochar d'aon mhodh gnóthaithe eile, beidh sé inghnóthaithe ag an Aire mar fhiach conartha shimplí in aon chúirt dlínse inniúla agus ar ICC a fhoirceannadh, d'ainneoin aon ní atá in aon chomhaontú nó aon achtachán, beidh sé ar chéim *pari passu* le fiacha gach creidiúnaí neamhurráithe eile de chuid ICC.

(7) Íocfar isteach sa Státchiste nó diúscrófar chun tairbhe don Státchiste aon airgead a aisíocfaidh ICC leis an Aire, nó a ghnóthóidh an tAire ó ICC, faoin alt seo.

(8) Déanfar an t-airgead go léir a theastóidh ó am go ham ón Aire faoi chomhair suimeanna a thiocfaidh chun bheith iníoctha aige nó aici faoin Acht seo a airleacan as an bPríomh-Chiste nó as a thoradh fáis.

(9) Féadfar fógra faoin alt seo a thabhairt leis an bpost cláraithe nó ar aon mhodh eile.

6.—Déanfaidh ICC cibé bearta faoi Achtanna na gCuideachtaí, 1963 go 1999 is gá lena mheabhrán comhlachais agus a airteagail chomhlachais a athrú le go mbeidh siad i gcomhréir leis an Acht seo.

Meabhrán comhlachais agus airteagail chomhlachais Bhanc ICC cpt a athrú.

7.—(1) Aisghairtear na hachtacháin a luaitear i *gcolún (2)* de *Chuid 1* den *Sceideal* a mhéid a luaitear i *gcolún (3)* den *Chuid sin*.

Aisghairm agus cúlghairm.

(2) Cúlghairtear na hionstraimí reachtúla a luaitear i *gcolún (2)* de *Chuid 2* den *Sceideal* a mhéid a luaitear i *gcolún (3)* den *Chuid sin*.

8.—(1) Féadfar an tAcht um Banc ICC, 2000 a ghairm den Acht seo.

Gearrtheideal agus tosach feidhme.

(2) Tiocfaidh an tAcht seo i ngníomh cibé lá nó laethanta a shocrófar chuige sin, le hordú nó le horduithe ón Aire faoin alt seo, i gcoitinne nó faoi threoir aon chríoch nó foráil áirithe, agus féadfar laethanta éagsúla a shocrú amhlaidh chun críoch éagsúil agus le haghaidh forálacha éagsúla (lena n-áirítear feidhm *alt 7* maidir le hachtacháin agus le hionstraimí

A.8

[Uimh. 32.]

An tAcht um Banc ICC, 2000.

[2000.]

reachtúla éagsúla a shonraítear sa *Sceideal* agus maidir le forálacha éagsúla de na hachtacháin agus de na hionstraimí sin).

AN SCEIDEAL

Alt 7.

AISGHAIRM AGUS CÚLGHAIRM

CUID 1

ACHTACHÁIN A AISGHAIRTEAR

Bliain agus Caibidil nó Uimhir agus Bliain	Teideal an Achta	Méid na hAisghairme
(1)	(2)	(3)
1879, c.11	<i>Bankers' Books Evidence Act, 1879</i>	Alt 9(1)(g).
1882, c.61	<i>Bills of Exchange Act, 1882</i>	In alt 2, sa mhíniú ar “ <i>Banker</i> ”, mír (d).
Uimh. 25 de 1933	An tAcht Cáirde Tionscail, 1933	An tAcht iomlán.
Uimh. 39 de 1934	An tAcht Comhar-Chumann Talmhaíochta (Debentiúiri), 1934	Alt 2(1)(d).
Uimh. 28 de 1935	An tAcht Airgid, 1935	In alt 33(6) sa mhíniú ar “ <i>bancaer</i> ”, na focail “ <i>an Chuideachta Chairde Thionscail Teoranta</i> ,”.
Uimh. 10 de 1958	An tAcht Cairde Tionscail (Leasú), 1958	An tAcht iomlán.
Uimh. 24 de 1959	An tAcht Cairde Tionscail (Leasú), 1959	An tAcht iomlán.
Uimh. 24 de 1963	An tAcht Aoisliúntas agus Pinsean, 1963	Alt 28(7)(d)(ii), in alt 28(7)(e) na focail “ <i>agus an tuarastail is iníoctha leis mar stiúirthóir bainistí na Cuideachta Cairde Tionscail, Teoranta</i> ”, alt 28(14)(a) agus alt 28(14)(b).
Uimh. 9 de 1971	An tAcht Cairde Tionscail (Leasú), 1971	An tAcht iomlán.

Bliain agus Caibidil nó Uimhir agus Bliain	Teideal an Achta	Méid na hAisghairme
(1)	(2)	(3)
Uimh. 24 de 1971	Acht an Bhainc Ceannais, 1971	In alt 7(4)(a)(ii), na focail “leis an gcuideachta atá bunaithe agus cláraithe de bhua alt 2 den Acht Cáirde Tionscail, 1933”, agus na focail “le Banc Infheistíochta ICC Teoranta”.
Uimh. 20 de 1974	An tAcht Cairde Tionscail (Leasú), 1974	An tAcht iomlán.
Uimh. 8 de 1976	An tAcht um Cháin Fháltas Caipitiúil, 1976	In alt 61(7), sa mhíniú ar “baincéir”, na focail “an Chuideachta Cairde Tionscail Teoranta,”.
Uimh. 20 de 1977	An tAcht Cairde Tionscail (Leasú), 1977	An tAcht iomlán.
Uimh. 30 de 1978	An tAcht Árachais (Leasú), 1978	Míreanna (b), (i)(II) agus (ii)(II) d’alt 2(1).
Uimh. 19 de 1979	An tAcht um Thionól na hEorpa (Ionadaithe na hÉireann), 1979	Sa Sceideal, na focail “Cuideachta an Chairde Tionscail Teoranta”.
Uimh. 39 de 1979	An tAcht Cairde Tionscail (Leasú), 1979	An tAcht iomlán.
Uimh. 26 de 1980	An tAcht Ombudsman, 1980	Sa Dara Sceideal, na focail “Cuideachta an Chairde Tionscail, Teoranta”.
Uimh. 7 de 1983	An tAcht Cairde Tionscail (Leasú), 1983	An tAcht iomlán.
Uimh. 25 de 1986	Acht na gCuideachtaí (Leasú), 1986	Alt 2(2)(g).
Uimh. 12 de 1988	An tAcht Airgeadais, 1988	In alt 75(b), na focail “faoi alt 3 den Acht Cairde Tionscail (Leasú), 1958, go n-aisiocfar aon airgead a chruinnigh Corparáid an Chairde Tionscail cpt, nó a fuair sí ar iasacht,” agus na focail “agus le Corparáid an Chairde Tionscail, cpt”.
Uimh. 15 de 1990	An tAcht Cairde Tionscail (Leasú), 1990	An tAcht iomlán.

Bliain agus Caibidil nó Uimhir agus Bliain	Teideal an Achta	Méid na hAisghairme
(1)	(2)	(3)
Uimh. 33 de 1990	Acht na gCuideachtaí, 1990	Mír (v) in alt 3(2)(b) arna chur isteach le hAcht na gCuideachtaí (Leasú), 1999. In alt 78(4)(a)(iii), na focail “nó Corparáid an Chairde Tionscail cpt”.
Uimh. 37 de 1990	An tAcht um Iontaobhais Aonad, 1990	In alt 1(1), sa mhíniú ar “urrúis”, na focail “don chuideachta a foirmíodh agus a cláraíodh de bhua alt 2 den Acht Cáirde Tionscail, 1933,”.
Uimh. 11 de 1992	An tAcht um Idirbhearta Airgeadais Cuideachtaí Áirithe agus Comhlachtaí Eile, 1992	In alt 2, na focail “agus Corparáid an Chairde Tionscail cpt” i bhfo-alt (1)(a) agus “agus ag Corparáid an Chairde Tionscail cpt” i bhfo-alt (3).
Uimh. 21 de 1992	An tAcht um Banc ICC, 1992	An tAcht iomlán.
Uimh. 8 de 1993	Acht an Ard-Reachtair Cuntas agus Ciste (Leasú), 1993	Sa Dara Sceideal, na focail “Corparáid an Chairde Tionscail cuideachta phoiblí theoranta”.
Uimh. 15 de 1994	An tAcht um Cheartas Coiriúil, 1994	Alt 32(1)(i).
Uimh. 9 de 1995	An tAcht um Stocmhalartáin, 1995	In alt 3(1), i mír (b) den mhíniú ar “feidhmeanna reachtúla”, na focail “na Rialacháin fán Acht um Banc ICC, 1992 (Alt 3), 1993 (I.R.Uimh. 24 de 1993),”.
Uimh. 11 de 1995	An tAcht um Idirghabhálaithe Infheistíochta, 1995	In alt 2(1), i mír (b) den mhíniú ar “feidhmeanna reachtúla”, na focail “na Rialacháin fán Acht um Banc ICC, 1992 (Alt 3), 1993 (I.R.Uimh. 24 de 1993),”.
Uimh. 24 de 1995	An tAcht um Chreidmheas do Thomhaltóirí, 1995	In alt 2(1), sa mhíniú ar “foras creidmheasa”, mír (f).

Bliain agus Caibidil nó Uimhir agus Bliain	Teideal an Achta	Méid na hAisghairme
(1)	(2)	(3)
Uimh. 8 de 1997	Acht an Bhainc Ceannais, 1997	In alt 2(1), i mír (b) den mhíniú ar “feidhmeanna reachtúla”, na focail “na Rialacháin fán Acht um Banc ICC, 1992 (Alt 3), 1993 (I.R.Uimh. 24 de 1993),”. Alt 82.
Uimh. 31 de 1997	An tAcht um Íoc Pras Cuntas, 1997	Sa Sceideal, na focail “Banc ICC cpt”.
Uimh. 32 de 1997	An tAcht um Banc ICC (Leasú), 1997	An tAcht iomlán.
Uimh. 39 de 1997	An tAcht Comhdhlúite Cánacha, 1997	In alt 37, sa Tábla, na focail “aon urrúis a d’eisigh Banc ICC cpt. an 24ú lá de Bhealtaine, 1989, nó dá éis, maidir le hurrúis arna n-eisiúint tar éis thosach feidhme na haisghairme seo. In alt 256(1), sa mhíniú ar “glacadóir taisce iomchuí”, míreanna (e) agus (f). In alt 519C(1), sa mhíniú ar “foras coigiltis cáilitheach”, míreanna (e) agus (f). In alt 607(1)(d), na focail “Banc ICC cpt”, maidir le bintiúir, stoc bintiúir, deimhnithe muirir nó foirmeacha eile urrúis arna n-eisiúint tar éis thosach feidhme na haisghairme seo. Alt 784A(1)(a), sa mhíniú ar “bainisteoir ciste cháilithigh”, míreanna (e) agus (f).

Bliain agus Caibidil nó Uimhir agus Bliain	Teideal an Achta	Méid na hAisghairme
(1)	(2)	(3)
		In alt 838(1)(a), i mír (ii) den mhíniú ar “urrúis”, na focail “Banc ICC cpt”, maidir le hurrúis arna n-eisiúint tar éis thosach feidhme na haisghairme seo. I Sceideal 13, ítim uimhir 50.
Uimh. 52 de 1998	An tAcht um Dhlínse Cúirteanna agus Forghníomhú Breithiúnas, 1998	In alt 11(4), sa mhíniú ar “foras údaraithe”, mír (f).
Uimh. 29 de 1999	An tAcht um Banc ICC, 1999	Ailt 3, 4, 5 agus 7
Uimh. 31 de 1999	An tAcht Comhdhlúite Dleachtanna Stampa, 1999	In alt 86, i mír (b), na focail “Banc ICC cuideachta phoiblí theoranta” maidir le stoc iasachta arna eisiúint tar éis thosach feidhme na haisghairme seo. In alt 103(1), sa mhíniú ar “duine cui”, mír (c). In alt 123(1), sa mhíniú ar “banc”, mír (c).

CUID 2

IONSTRAIMÍ REACHTÚLA A CHÚLGHAIRTEAR

Uimhir agus Bliain	Teideal na hIonstraime	Méid na Cúlghairme
(1)	(2)	(3)
Uimh. 437 de 1986	Rialacháin na gComhphobal Eorpach (Cuntais, Ráitis agus Luachálacha Árachais Saoil), 1986	I Rialachán 37(1), sa mhíniú ar “foras airgeadais ceadaithe”, mír (h). I Rialachán 37(1), sa mhíniú ar “urrúis cheadaithe”, i mír (c), na focail “agus Corparáid an Chairde Tionscail cpt”.

Uimhir agus Bliain	Teideal na hIonstraime	Méid na Cúlghairme
(1)	(2)	(3)
Uimh. 191 de 1990	Na Rialacháin Árachais (Bannaíocht ar Idirghabhálaithe), 1990	Rialachán 3(2)(c).
Uimh. 59 de 1991	Rialacháin na gComhphobal Eorpach (Iompar Paisinéirí de Bhóthar), 1991	I Rialachán 2(1), sa mhíniú ar “banc nó bunaíocht eile atá cáilithe go cuí”, na focail “Corparáid an Chairde Tionscail c.p.t.”.
Uimh. 60 de 1991	Rialacháin na gComhphobal Eorpach (Iompar Marsantais de Bhóthar), 1991	I Rialachán 2(1), sa mhíniú ar “banc nó bunaíocht eile atá cáilithe go cuí”, na focail “Corparáid an Chairde Tionscail c.p.t.”.
Uimh. 201 de 1992	Rialacháin na gComhphobal Eorpach (Cuideachtaí: Grúpchuntais), 1992	Rialachán 6(2)(f).
Uimh. 328 de 1992	An tOrdú um Acht an Bhainc Ceannais, 1971 (Alt 7(4)), 1992	An ionstraim iomlán.
Uimh. 395 de 1992	Rialacháin na gComhphobal Eorpach (Forais Chreidmheasa a Cheadúnú agus a Mhaoirsiú), 1992	I Rialachán 2(1) sa mhíniú ar “achtacháin mhaoirseachta”, na focail “an tAcht um Banc ICC, 1992 (Uimh. 21 de 1992),”.
Uimh. 24 de 1993	Na Rialacháin fán Acht um Banc ICC, 1992 (Alt 3), 1993	An ionstraim iomlán.
Uimh. 168 de 1995	Rialacháin na gComhphobal Eorpach (Scéimeanna Rátháíochta Taiscí), 1995	I Rialachán 3(1), sa mhíniú ar “achtacháin mhaoirseachta”, na focail “an tAcht um Banc ICC, 1992 (Uimh. 21 de 1992),”.
Uimh. 32 de 1997	Na Rialacháin um Eitic in Oifigí Poiblí (Comhlacht Poiblí Forordaithe, Stiúrthóireachtaí Ainmnithe Forordaithe agus Poist Ainmnithe Forordaithe i gComhlachtaí Poiblí), 1997	Sa Dara Sceideal, ítim uimhir 42.

BAILE ÁTHA CLIATH
ARNA FHOILSIÚ AG OIFIG AN tSOLÁTHAIR
Le ceannach díreach ó
FOILSEACHÁIN RIALTAIS,
BÓTHAR BHAILE UÍ BHEOLÁIN, CILL MHAIGHNEANN,
BAILE ÁTHA CLIATH 8, D08 XAO6.
Teil: 046 942 3100
r-phost: publications@opw.ie
nó trí aon díoltóir leabhar.

DUBLIN
PUBLISHED BY THE STATIONERY OFFICE
To be purchased from
GOVERNMENT PUBLICATIONS,
MOUNTSHANNON ROAD, KILMAINHAM,
DUBLIN, D08 XAO6.
Tel: 046 942 3100
Email: publications@opw.ie
or through any bookseller.

€2.54

